

PRAVILNIK UDRUŽENJA SUDIJA CRNOGORSKOG JEDRILIČARSKOG SAVEZA

1. OSNOVNE ODREDBE

- 1.1** Ovim Pravilnikom određuje se način organizovanja i rada Udruženja sudija Crnogorskog Jedriličarskog Saveza (u daljem tekstu: udruženje sudija), te prava i obaveze sudija u sportskom jedrenju (u daljem tekstu: sudije).
- 1.2** Članovi udruženja sudija su sve sudije. Prema članu 32. Statuta CJS-a, Sudijska komisija (u daljem tekstu: komisija) rukovodi radom sudija.
- 1.3** Komisija je odgovorna i nadležna za:
- a) Imenovanja, objavljivanje popisa i izdavanje licenci i legitimacija sudija CJS-a;
 - b) Određivanje sudija za regate u nadležnosti CJS-a i imenovanje sudija i delegata za regate u organizaciji CJS-a, shodno normativnim aktima CJS-a;
 - c) Propisivanje i sprovođenje programa obuke i praćenje rada sudija i sudija pripravnika;
 - d) Vođenje seminara za sticanje i usavršavanje znanja sudija i sudija pripravnika;
 - e) Nadzor primjene svih pravila za regate jedrilica međunarodnog jedriličarskog saveza (u daljem tekstu: ISAF) i CJS-a (u daljem tekstu: Pravila);
 - f) Saradnju sa odborom sudija ISAF-a i sudijskim organizacijama drugih država;
 - g) Pripremu presedana i rješavanja žalbi;
 - h) Donošenje godišnjeg plana rada i izvještaja Izvršnom odboru CJS-a;
 - i) U saradnji sa IO CJS određuje finansijske obaveze sudija prema udruženju, kao finansijske obaveze klubova za suđenje regata u nadležnosti CJS;
 - j) Propisuje broj sudija određenih zvanja za suđenje prema kategoriji regate;
 - k) Imenovanje i razrješenje sudija odbora za žalbe;
 - l) Predlaganje sudija za međunarodne sudije;
 - m) Propisivanje i izradu obrazaca udruženja sudija;
 - n) Izdavanje i prevođenje stručne literature;
 - o) Druge dužnosti koje mu povjeri Izvršni odbor CJS-a.

2. ZVANJA I IMENOVANJA SUDIJA

2.1 Zvanja sudija CJS-a su:

- a) Sudija pripravnik;
- b) Sudija;
- c) Nacionalni sudija/sudija na vodi-presuditelj;
- d) Međunarodni sudija/sudija na vodi-presuditelj.

2.2 Komisija imenuje sudije pripravnike na neodređeno vrijeme, a sudije i nacionalne sudije, sudije na vodi-presuditelje, na 4 godine. Istekom roka imenovanje se može obnoviti. Imenovanja po osnovu prijave prispjelih do 30.juna obavljaju se u decembru svake godine.

2.2.1 SUDIJA PRIPRAVNIK

Kandidat za sudiju pripravnika prijavljuje se komisiji dostavljanjem ispunjenog obrasca prijave i mora zadovoljiti sljedeće uslove:

- a) Biti radno sposoban državljanin Crne Gore;
- b) Poznavati pravila, imati takmičarsko iskustvo, sposobnost objektivnog rasuđivanja, psihofizičku sposobnost suđenja regata, a poželjno je da ima zvanje jedriličara kormilara;
- c) Prihvatati načela sportskog ponašanja i morala određena Kodeksom ponašanja sudija CJS-a (u daljem tekstu: Kodeks) koji je dodatak ovog Pravilnika;
- d) Uplatiti članarinu udruženju sudija.

Ispunjavanjem predhodnih uslova stiče se pravo za dobijanje sudijske legitimacije sa zvanjem sudije pripravnika.

2.2.2 SUDIJA

Kandidat za sudiju prijavljuje se sudijskog komisiji dostavljanjem ispunjenog obrasca prijave i mora zadovoljiti sljedeće uslove:

- a) Biti u zvanju sudija pripravnik;
- b) Završiti najmanje jedan seminar za sudije u zadnje 4 godine;
- c) Prisustvovati suđenju, kao sudija pripravnik na najmanje 10 regata u Crnoj Gori u zadnje 4 godine, o čemu potvrdu izdaje delegat kroz dokumentaciju regate;
- d) Položiti ispit za sudiju;
- e) Uplatiti članarinu udruženju sudija.

Ispunjavanjem predhodnih uslova stiče se pravo za dobijanje sudijske legitimacije sa zvanjem sudija.

2.2.3 NACIONALNI SUDIJA

Kandidat za nacionalnog sudiju prijavljuje se komisiji dostavljanjem ispunjenog obrasca i mora zadovoljiti sljedeće uslove:

- a) Biti sudija najmanje 2 godine;
- b) Završiti najmanje jedan seminar za nacionalne sudije u zadnje četiri godine;
- c) Položiti ispit za nacionalnog sudiju;
- d) Suditi na najmanje 10 regata u Crnoj Gori u zadnje četiri godine, u kojima su barem 2 regate druge kategorije, te da najmanje 3 puta učestvuje u radu odbora za proteste;
- e) Mora uplatiti članarinu udruženju sudija za tekuću godinu.

Ispunjavanjem predhodnih uslova stiče se pravo za dobijanje sudijske legitimacije sa zvanjem nacionalnih sudija.

2.2.4 NACIONALNI PRESUDITELJ – SUDIJA NA VODI

Kandidat za nacionalnog presuditelja prijavljuje se komisiji dostavljanjem ispunjenog obrasca prijave i mora zadovoljiti sljedeće uslove:

- a) Biti sudija najmanje 2 godine;

- b) Završiti najmanje jedan seminar za nacionalne presuditelje u zadnje četiri godine;
- c) Suditi najmanje deset regata u Crnoj Gori u zadnje četiri godine, te najmanje pet puta učestvuje u odboru za proteste;
- d) Položiti ispit za nacionalnog presuditelja;
- e) Uplatiti članarinu udruženju sudija za tekuću godinu.

Ispunjavanjem predhodnih uslova stiče se pravo za dobijanje sudijske legitimacije sa zvanjem Nacionalni presuditelj-Sudija na vodi.

2.2.5 *MEDUNARODNI SUDIJA / PRESUDITELJ*

Za međunarodnog sudiju/presuditelja komisija može predložiti nacionalnog sudiju koji ispunjava uslove za imenovanje međunarodnog sudije/presuditelja koje propisju ISAF.

Rad, prava i obaveze međunarodnih sudija/presuditelja određene su odgovarajućim aktima ISAF-a.

2.3 Sva imenovanja sudija mogu prestati:

- a) Istekom vremena na koji je imenovan;
- b) Odlukom komisije na osnovu istrage i izvještaja protestnog odbora regate, kojim se navodi grubi prekršaj kodeksa ili pravila;
- c) Zdravstvenom nesposobnošću.

3. **POTREBAN BROJ SUDIJA ZA ODREĐENU KATEGORIJU REGATE**

3.1 Komisija u dogovoru sa Tehničko Takmičarskom komisijom CJS-a propisuje potreban broj sudija za određenu kategoriju regate. Regata dobija kategoriju prema Pravilniku regata CJS i odluci Takmičarske komisije.

3.2 Najmanji potreban broj i zvanja sudija prema kategoriji regate određuje komisija za svaku godinu i objavljuje ga zajedno sa kategorijom kao dodatak kalendara regata CJS-a. Regate kategorija 0 i 1 moraju imati konstituisan međunarodni žiri prema ISAF pravilima.

3.3 Organizator regate dužan je prije početka regate da na propisanom obrascu dostavi popis članova Regatnog odbora udovoljavajući zahtjevima iz člana 14 Pravilnika regata CJS najkasnije:

- a) Prema roku koji propisuje ISAF za regatu kategorije 0;
- b) Prema roku koji propisuje ISAF za regatu kategorije 1;
- c) Trideset dana prije za regatu kategorije 2;
- d) Petnaest dana prije za regatu kategorije 3 i 4.

Organizator je dužan da sa dostavljenim popisom sudija dostavi i potvrdu o uplaćenju nadoknadi za troškove Sudijske komisije, prema ovom Pravilniku sa naznakom za Sudijsku komisiju.

3.4 Neispunjavanje uslova iz tačke **3.2** komisija prijavljuje Takmičarskoj komisiji CJS-a.

4. IZVJEŠTAJI

- 4.1** Predsjednik regatnog odbora je i osim svojih redovnih poslova obavezan da Takmičarskoj komisiji u roku od 3 dana od završetka regate dostavi zvanične rezultate i izvještaj o regati na propisanom obrascu sa priložima (Raspisom, Uputstvom, obavještenjima sa oglasne table, obrascima podnijetih protesta sa eventualnim priložima) prema članu 12 Pravilnika regata CJS i da isti jedan takav primjerak pošalje Sudijskoj komisiji. Predsjednik Protestnog odbora obavezan je osim svojih redovnih poslova da prati regularnost regate i da o tome podnese izvještaj Sudijskoj komisiji na propisanom obrascu u roku od 3 dana od dana završetka regate.
- 4.2** Komisija može za pojedine regate odrediti delegata, samostalno ili na zahtijev Izvršnog odbora ili Takmičarske komisije CJS-a. Delegat mora biti sudija koji nadgleda organizaciju regate, rad Regatnog i Protestnog odbora o čemu podnosi izvještaj komisiji najkasnije 8 dana nakon završetka regate.
- 4.3** Izvještaji su osnov za praćenje rada sudija i moraju sadržati ocjenu rada sudija kao temelj za njihovu verifikaciju na budućim regatama.
- 4.4** Učestale negativne ocjene sudiji komisija može kazniti novčanom kaznom ali ne većom od primljene naknade za sudije, zabranom suđenja na određeno vrijeme ili prijevremenim prekidom imenovanja.

5. ODBOR ZA ŽALBE

- 5.1** Odbor za žalbe je stalno tijelo udruženja sudija koje riješava žalbe na odluke Protestnog odbora u koje komisija imenuje najsposobnije i najiskusnije sudije najvišeg zvanja.
- 5.2** Odbor za žalbe se sastoji od Predsjednika i 4 člana. Predsjednik rukovodi radom Odbora za žalbe, a za punovažno odlučivanje neophodna je prisutnost najmanje 3 člana. Predsjednik dostavlja komisiji rješenje o žalbi.
- 5.3** U slučaju da iz objektivnih razloga ne može da se konstituiše Odbor za žalbe, njegovu ulogu obavljaće Sudijska komisija.

6. TROŠKOVI I NAKNADE

6.1 Sudija ima pravo na:

- a) Naknadu putnih troškova:
- za prevoz ličnim automobilom, 0.25€ po 1km i ostale putarine;
 - za prevoz javnim saobraćajem cijena putne karte.

- b) Nadoknadu troškova smještaja i ishrane:
 - puni pansion u hotelu "B" kategorije ukoliko sudija živi na udaljenosti većoj od 50km od mjesta održavanja regate.
- c) Naknadu za suđenje koje za svaki dan iznosi:
 - Sudija i sudija pripravnik: 1 dnevnicu CJS-a;
 - Nacionalni sudija: 1 ½ dnevnicu CJS-a;
 - Internacionalni sudija: 2 dnevnicu CJS-a.

Organizator je dužan da, sa dostavljenim popisom sudija, dostavi i potvrdu o uplaćenju nadoknadi za troškove Sudijske komisije, prema ovom Pravilniku sa naznakom za Sudijsku komisiju u iznosu od 10% na ukupnu sumu troška za sudije, bez putnih troškova.

Nadoknadu za suđenje i putne troškove sudijama organizator isplaćuje poslije takmičenja u dogovoru sa njima. Iznos za suđenje se umanjuje za 10 % na ime obaveze sudija koje imaju prema Sudijskoj komisiji. Taj iznos uplaćuje organizator nakon završetka regate, na žiro račun CJS sa naznakom za Sudijsku komisiju, .

Predsjednik Protestnog odbora i Regatnog odbora imaju pravo na 1 ½ dnevnicu bez obzira na sudijsko zvanje i u skladu sa tim imaju i finansijsku obaveznu prema Sudijskoj komisiji.

7. TAKSE I ČLANARINE

- 7.1 Godišnja članarina u udruženju jedriličarskih sudija iznosi 20€.
- 7.2 Taksa na sudijske dnevnicu u iznosu od 10% je obavezna da se uplati u roku od 3 dana nakon završetka suđenja regate.
- 7.3 Novac od taksi i članarina dopunski je izvor finansiranja godišnjeg programa obuke, opreme, usavršavanja i informisanja sudija.

8. KODEKS PONAŠANJA SUDIJA CJS-a

Jedriličarske sudije su najistaknutiji službenici sportskog jedrenja koji rade za dobrobit i napredak sporta kojeg predstavljaju i njihovo ponašanje mora biti u skladu sa opšte prihvaćenim načelima sportskog ponašanja i etike. Svoju dužnost moraju obavljati stručno, ispravno, pravično i dostojanstveno.

Od sudija se očekuje:

1. Poznavanje pravila, presedana i poštovanje postupka vođenja regate, te vođenja saslušanja i odlučivanja;
2. Pristojan i ljubazan odnos prema takmičarima, trenerima i drugom osoblju podrške, kolegama, organizatoru, novinarima i bilo kome koji je uključen u organizaciju regate;

3. Pristupanje svakom saslušanju ili bilo kojem drugom predmetu u kojem je uključen sa istom brigom, korektno i objektivno, bez pristrasnosti i predrasuda. Nikakav lični interes ne smije uticati na njegovu odluku;
4. Uvijek težiti pravednoj odluci i provjeriti da li je sprovedena. Slijediti postupke i propise ISAF-a i CJS-a i afirmisati njihov interes i ciljeve;
5. Poštovati povjerljivost rada odbora čiji je član. Uzdržavati se od rasprave o povjerljivim pojedinostima, slučaja van tog odbora, izuzev kada to u prilagodjenjnom obliku ima obrazovnu svrhu obrazloženja primjene pravila trenerima ili takmičarima. Odgovoriti na svako pitanje trenera ili takmičara i obrazložiti svoju odluku;
6. Ne konzumirati alkohol prije ili tokom saslušanja ili sastanka;
7. Tačnost i prisutnost saslušanjima ili sastancima. Dužna pažnja u raspravi o svakom predmetu;
8. Prikladno odijevanje;
9. Zahtijevati pokriće samo onih troškova na koje ima pravo po pravilniku i ne zahtijevati nikakve dodatne troškove koji nisu neophodni.

Ovaj kodeks je sastavni dio Pravilnika udruženja sudija i stupa na snagu kad i sam Pravilnik.

Ovaj Pravilnik je usvojen na Skupštini CJS-a dana 12.oktobra.2009., godine i stupa na snagu danom donošenja.

Tivat, 12.10.2009.

Predsjednik Skupštine
Robert Farkaš s.r.